




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A

3623
DE ARTICVLARI

(3)

MORBO

COMMENTARIVS.

AD .S. D. N. IVLIVM .III.

PONT. MAX.

Authore Andrea Lacuna Segobiensi,
Medico Pontificio.

Cui accessit Tragopodagra Luciani, iuxta fidē
exemplarium Græcorum, per eundem
Andream Lacunam in Latinam
linguam conuersa.



ROMAE.

Excusum apud Valerium, & Aloysiū Doricos
fratres Brixienſes.

M. D. LI.

LIBER COMMENDAT SE

Illuſtriſſimo Principi, ac Reuerendiſſimo Præſuli,
D.D. Ioanni à Toletò, Archiepiſcopo Diui
Iacobi, Compoſtel.

S. R. E.

Cardinali Ampliſſimo.

Inuálidos genitor firmauit nexibus artus,
Iréq; permíſit liberiore gradu.
Non igitur, quod membra labent in corpore tardo,
Ductricem imploro (maxime Præſul) opem.
Nec quia formidem podagræ tormenta minacis,
Quæ per me magnis exulat è laribus.
Verùm in pauperie ſemper nutritus & umbra,
Projicio ſanctos me nouus ante pedes.
Indutusq; ſago uili cultuq; profano
Inter eo ſacros purpureosq; patres.
Si pietas, & cana fides, & nominis almus
Affuerit ſplendor ſi mihi, tutus ero.
Ergo age, qui noſti articulos & tempus, in ipſo
Pontifici me offer temporis articulo.
Sic nunquam articuli ullius patiare dolorem,
Gratiaq; hæc patri ſit referenda meo.



SANCTISSIMO DOMINO

NOSTRO, IVLIO TERTIO,

PONT. MAX.

Andreas Lacuna Segobien.

S. P. D.



CCVRATIVS apud
se pensitantes illi prisce phi-
losophi, q̄ brevis, q̄q; sit mille
obnoxia calamitatibus uita
hominum, Iuli .III. Roma-
norum Princeps, atq; Pontifex
Maxime, ratione quidem
optima dubitarunt, parentem ne, an diram teterri-
mamq; nouercam, deberent appellare naturam
rerum.

Nam si ætates, & fortunas, & gradus homi-
num, nobiscum altius examinemus, nulla certe pars
uitæ aut conditio datur, quæ grauissimis non sit ma-
lis obsessa, innumeris mclēstijis implicata, cruciatib;
busq; perpetuis circumuallata. Id quod pulchrè in-
telligens ille diuinus Poeta, sic sortem humanam
deflet.

Ὡς γὰρ ἐπεκλώσαι θεοὶ δαλοῖσι βροτοῖσι

Ζώην ἀχνυμένοις. Rursusq;

Οὐ μὲν γάρ τι που ἐστὶν οἷς ὑπέρωτερον ἄνδρὸς

Πάντων ὅσσα τε γαῖαν ἐπιπιεῖ τε καὶ ἔρπει.

Et illud.

Τὸν φύντα θρηνεῖν ὡς ὅς' ἔρχεται κακόν.

A ii

EPISTOLA

Quocirca immortales Dij (ut quibus perspectæ sint res humanæ) quos plurimi faciunt, eos citius è uita tollunt, si qua sit Platoni fides habenda. Sic legimus Trophonium et Agamedem, quum templum crexissent Apollini, orassentq; ut daret sibi quod fore optimum iudicaret, obdormisse perpetuum, neque unquam amplius fuisse experrectos: nimirum Deo ipso nulla re alia posse uotis eorum satisfieri arbitrante, quàm si ab huius uitæ supplicijs eriperentur.

Etenim infans, ubi primum in lucem recens editus est, uitam ipsam à lachrymis auspicatur, sentiens opinor mala in quæ ingreditur. Qui quidem per totum infantiae tempus, ex matris papilla pendens, quod pertinet ad uniuersas functiones, non modò quadrupedibus, sed ipsis etiã plantis est infelicior.

Dein balbutire incipiens, sub totiusq; pueritiae cursu, quot censoribus, quot pædagogis, quot hypodidascalis, quot plagis atque uerberibus, quot denique misellus carnificinis subditur?

Ingressus adolescentiam, præter grauiora pericula, in quibus quotidie se exercet, ab affectibus animi iam iam tanquam captiuus ducitur. Nunc siquidem amens ac cæcus, præceps in iram rapitur. Nunc totus perculsus animo, trepidat. Nunc inuidia torquetur. Nunc denique in libidinem soluitur.

Porro uigorem ætatis nactus; quo tempore per

NUNCUPATORIA 3

stilis ambitio inualefcit, si quidem uir coniugatus sit, miserè discrucietur studio augendi rem familiarum, liberos optimè collocandi, atq; inter omneis conciuos suos, primos honoris gradus ambiendi.

Cui sanè si obtigerit uxor haud perinde respondens uotis, domiq; non satis ampla suppellex, obruitur omnium malorum lerna. Si uero ad sacerdotia inahiet, confectum siti quadam inexpugnabili affligitur, accumulandi per fas aut nefas, ecclesiasticos redditus, totusq; confectus curis & anxietatibus, uiolat iura omnia & diuina & humana, ut sacras dirpiat opes, quas tamen cras moriturus, uel inuitus, obuio cuius relinquat.

Per omneis igitur hasce ætates miser semper atq; infelix quum sit, qui obsecro in senectute homo dici beatus possit, quæ diuersorium omnium incommodorum est, sæculentissimumq; totius uitæ excrementum? Nam ut eomplures alias senectutis molestias atq; difficultates præteream, certe ne mo nescit ætatem illam esse alumnæ plurium grauiissimorumq; morborum, quales nimirum sunt dyspnææ, raucedines, tusses, asthmata, uertigines, apoplexiæ, lippitudines, leucophlegmatiæ, hebetudines sensuum, dysuriæ, stranguriæ, nephritides, exolutiones neruorum, emprosthotoni, opisthotoni, tetani, atque superbientes nimis, insolescentesq; podagræ: ut quæ non perinde ac reliqui affectus, populares tantum, pessimæque uictus ratione usos, inuadant, sed Imperatoribus, Pontificibusque,

A i i i

EPISTOLA

atq; ijs breuiter, ex quibus pendet summa omniū rerum, atrocissimum semper bellum moliantur: id quod non sine maximo piorum omnium dolore ipse experiris indies, Beatissime Pater.

Nam quum crepto Paulo felicitis recordationis, exultaret uniuersa Christianorum Respublica, cum te nobis tandem cœlitus Pontificem datum, cuius prudentiam atq; uirtutem summam, ipsa maximis in rebus & experta, & esset persæpe admirata: maximo iam mœrore conficitur, dum uidet Principem atq; Ductorem suum, assiduus acerbissimisq; torqueri articuloꝝ cruciatibus, idq; eo præcipue tempore, quo neruos omneis intendens, deberet nutanti Ecclesiæ, milleq; sauciæ uulneribus, ferre manus auxiliatrices.

Proinde nihil tam habent in uotis cuncti, q̄ ut summus ille conditor noster, qui te suæ Ecclesiæ præfecit, tibiq; mentē istam diuinam indidit, corporis etiam integram sanitatem largiatur: ut possis uerpos illos ac recutitos canes, iam pridem tui gregis cruore ac cœdibus pastos, totiq; quotidie Italiæ, atq; adeo tuæ isti Sedi Sanctissimæ, faucibus rabidis inbiantes, baculo isto diuinæ potestatis repellere, contundere, ac profligare.

Quocirca ego longè omnium minimus, rem hanc ab officio meo alienam me facturum existimas, si eorum quæ olim per Hispaniam, Galliam, Angliam, Germaniam, atq; Italiam oberrans, contra dolores articulares uaria & exquisitissima didici,

N V N C V P A T O R I A 4

commentarium quendam conscriberem, eumq; con-
secrarem tuo numini: id quod equidem feci, non
quod arbitrarer Sanctitatem Tuam carere præstan-
tissimis medicis (Sciebam quippe illi perpetuò asta-
re Reuerendum in Christo Patrem, D. D. Baldui-
num, Episcopum Mariani: necnon ornatissimum
Virum, Augustinum Riccum, Doctores citra con-
trouersiam Clarissimos) sed ut ipse etiam hoc qua-
licunque argumento testarer meam, erga Beatitu-
dinem Tuam, obseruantia: simulq; rem longè gra-
tissimam facerem Illustrissimo ac Reuerendissimo
D. D. Francisco à Mendoza, Card. Burgen. Patro-
no ac Mœnati meo non uulgari: quo intercessore
superioribus diebus dignata est Sanctitas Tua me
ascribere inter Medicos, & clientulos suos.

Libellum igitur hunc, interpretem meæ propen-
sionis erga Beatitudinem Tuam, benigno animo ex-
cipias, Beatissime Pater, futurum aliquando ano-
dynam ac præsentaneum remedium, ad arcendos
istos dolores sæuos, qui te intempestiue discruciant.

Vale.

A iiii

DE ARTICVLARI MORBO COMMENTARIVS.



FACULTATES quæ humanum corpus dispen-
sant, sunt quatuor in uniuersum: attractrix uidelicet, retentrix, alteratrix, expultrix: quarum omniũ functiones mutuò planè se excipiunt. Primò siquidem corpus, uel quælibet particula illius, ope attractricis potentiæ, quæ illi ab ortu est insita, congruum sibi alimentum attrahit: dein auxiliante secunda, id quod attractum est, retinet: mox elaborat retentum, conuertitq; in benignum ac familiarem cremorem, idq; opera alteratricis, quæ tertio fuit assignata loco: ultimò denique, facultate expultrice accita, explodit si quid sit in alimento ipso, aut mole nimium, aut qualitate non perinde laudabile: quibus optimè administratis proba partis nutritio atque promotio succedit.

Quum autem elaboratio siue concoctio ipsa sit triplex, una quidem, ac prima, quæ in uentriculo absoluitur, dum cibi in læuorẽ illum lacteum uertuntur: secunda uerò, dum ex hoc gignitur sanguis in iecinore & uenis: ac tertia breuiter, cuius esse munus uidetur, sanguinem assimilare particu-

lis: haud dubie necessum est, ut uaria excrementorum genera suboriantur in corpore: quibus omnibus, uarios poros atque meatus, per quos nimis expurgarentur, summus ille faber, atq; architectus noster excogitauit.

Quippe crassa & faeculenta excrementa, quæ ex prima illa concoctione redundant, deorsum pressa uersus crassiora intestina, ubi iam exucca sunt reddita, per sedem exterminantur. Quæ uero ex secunda concoctione (quæ sanguificatio est) supersunt, si quidem serosa sint, per renes ad uesicam distillant: si biliosa, tum per aluum, cuiusdam emolumenti gratia: tum per urinæ meatum, atq; adeo per sudorem & uomitum solent exterminari: ut melancholica & atra, per intestina ipsa, et per hæmorrhoides uenas, quæ in sedem aperiri sunt solitæ. At quæ tertiæ concoctioni debentur (eam enim diximus fieri in particulis) pro natura & situ ipsarum particularum aptam etiam euacuationem sortiuntur.

Musculorum siquidem excrementa, præcipueq; illorum qui subiecti sunt cuti, per sudorem atque insensilem transpirationem discuti consuevere: Cerebri autem, quæ quidem crassiora sunt, per palatum & nares defluunt: quæ uero fuliginem referunt, per caluariam ad pericranium transpirant, inibiq; generandis capillis sese materiam exhibent: ac de aliarum partium excrementis similiter iudicandum.

DE ARTICVLARI

Quandiu igitur uniuersæ corporis partes sese optime habuerint, fuerintq; salubri constitutione præditæ, redundantes in corpore humores, siue qualitate, siue quantitate molesti sint, per conferentia semper loca excernuntur, nulla illarum eos recipiente, sed ad unam omnibus eorum impetum longè à se propulsantibus.

Si uerò nonnullæ ipsarum aliqua imbecillitate aut intemperie teneantur, infestus humor à fortioribus ad imbecilliores exterminabitur, atq; ab his rursus ad alias: tandemq; ad omnium imbecillimas pulsus, in eis & hærebit, & pro illarum, & sui ipsius natura, excitabit morbos.

Nam si decumbens quidem humor sit sanguis: pars aut in quā sit impetus, cutis, edet efflorescentias, siue exanthemata. Si rursus ille in pleuram, hoc est, in membranam succingentem costas, decumbat, excitabit pleuritidem: ut si in articulos imbecilliores redditos, morbum articulare, de quo uno im præsentiarum nobis est disputandum.

Porro arthritis, hoc est, articularis morbus, genus ad uerteborum omnium dolores quum sit, sub se uarias species ambit. Nam si dolor articulos pedum infestet, podagra is affectus dicitur: si torquetur manus, chiragra: ut gonagra, si genu dolor obsideat. Semper quippe ab affecta particula sumitur morbus appellationem.

Requiritur itaq; ad articularis morbi generationem, articulorum imbecillitas aliqua insignis, &

succorum oberrantium per corpus aut plenitudo, aut cacochymia, unà cum uiscerum robore, quod podagros maiori ex parte macrobios efficit.

Imbecilli redduntur articuli ob intemperiem aliquam simplicem, uel compositam: ob ictum aut contusionem uehementem: ob exercitia improba: necnon ob immodicam uenerem. Sunt qui ob uilium seminis ab ortu contraxerunt imbecillitatem articulorum: ita ut morbus illis & genuinus, & hæreditarius uideatur. Quippe non æquè facile unà cum semine à parentibus transfluunt uirtutes in liberos, ut uitia & morbi.

Plenitudinem succorum in corpore accumulant, immodicus cibi atq; potionis usus, diuturnus somnus, ac denique desidia & ignauia. At cacochymiā, quum hæc ipsa, tum uel maximè plurium ac uitiosorum ciborum esus: immodica feruentissimorum potio: uigiliæ immensæ: uenus & nimia, & statim à cibo inita: prodigiosus frigidissimarum aquarum ex niue, aut sale nitro, præcipuè post fructus horarios, usus: ac deniq; uehementes animi affectus: ut qui non modò gignant prauos in corpore succos, sed eos etiam ipsos ad imbecilles articulos adigant.

Quum uerò ex ipsis uitiosis succis alij sint pituitosi, alij biliosi, alij denique melancholici: ab his omnibus excitari dolor articularis potest, atque etiam à sanguine, si quando impetum in aliquem articulum faciat.

DE ARTICVLARI

Distinguetur autem facile, à quo humore ipse affectus gignatur, quum ex colore oblæſæ particulæ, tum ex doloris ſpæcie, atq; adeò ex multis alijs ſymptomatis.

Nam ſi ſanguis morbo occaſionem dederit, locus affectus rubet, intensè calet, dolet, tenditur, tumet cum pulſatione, renititurq; tangenti.

Si bilis in cauſa fuerit, pars ſuppallida cernitur, feruentiſſimo calore inflammatur, doloreq; acerrimo affligitur: non tamen premitur grauitate, aut in tumorem mentione dignum attollitur, ſed quaſdam ſerpentes puſtulas, formicarum inſtar, ut plurimum per ſummam edit cuticulam.

Atra bile infeſtante, tumor quidam liuens, contractus, durus, cum remiſſo calore ac dolore, ſedem affectam occupat.

Vbi morbum pituita genuit, tumor exurgit albicans, frigidus, laxus, mollis, ac prementibus cedens.

Taceo dolores à bile ac ſanguine inductos, remitti uſu refrigerantium: eos autem qui ab atra bile, ac pituita ſunt orti, ſedari præſidio calfacientium.

Contingit etiam, nec rarò, à flatu aliquo incluſo, diſtendenteq; particulas, excitari dolores articulares. Hos tamen ab alijs quos affluxus humorum genuit, uel ſolo tactu diſcernes. Nam quum primò tumor prementi cedat, conſeſtim amoto digito attollitur, ueluti inflatus uter. Dolor præterea ipſe

neutiquam fixus hæret, sed uagabundus oberrat,
ac modò hanc, modò illam torquet particulam.

Cæterùm maiori ex parte dolor articularis à
præpollente oritur pituita, cui nonnihil aliorum
humorum permistum sit.

Nec uerò leuiter confert ad cognoscendam cau-
sam morbi effectricem, temperiem ægri, præter-
ritam uictus & exercitij rationem, ætatem etiam,
& cum his constitutionem temporis, accuratè con-
siderare.

Porro ineunte Vere, malum ingrauescit sanguis-
neis, qui articulari morbo corripì consueuere: æstas-
te biliosis: autumnò denique melancholicis: nam
pituitosi, ceu mille agitati furij, acrius hyeme na-
gemiscunt.

Si igitur à solo sanguine oriatur, morbusq; al-
terum pedem, uel crus, obsideat, in primis aluo
soluta, uel glande, uel molli clystere, interior ues-
na cubiti, loco affecto correspondentis, tundenda
est, detrahendusq; sanguis pro natura & uiribus
ægotantis. Si correptus uterque pes fuerit, ues-
na utriusque cubiti scindere operæprecium
erit.

At si pars affecta sit manus, ex cubito illi op-
posito sanguinem detrahemus, nisi fortè laboret
mulier, cui menstruæ purgationes defecerint.

Tunc siquidem præstiterit ex malleolo subdito san-
guinem euacuare: sicuti ex utroque malleolo, uel
in uiris, si utraque manus affecta fuerit.

ex sanguine
curatio

DE ARTICVLARI

Huiusmodi reuulsione obsoluta, fouendus locus affectus ijs est, quæ dolorem refrigerando leniant, affluxum humorum sistant, digerendiq; aliamquam facultatem sortiantur: cuiusmodi existit cataplasma quod sequitur. R. Olei rosacei unc. iiij. lutea ouorum numero. ij. succi lactucæ unc. ij. farinæ hordei unc. i. S. aceti rosacei unc. i. confundito & admoüeto.

Tumore iã subsidente, contrahenteq; liuorem, admoüebimus aliud, quod magis molliat ac digerat, cui negotio uidetur esse congruum quod subditur. R. Olei rosacei & chamæmelini, anà unc. ij. farinæ fabacæ, fœnigræciq; anà unc. i. rosarum, meliloti, anà drach. ij. mucilaginis rad. althææ, unc. i. S. fiat cataplasma.

Vltimò deniq; omnium applicanda sunt ea, quæ facultate molliendi prædita, paulo uehementius discutiant, ut gratia exempli. R. Olei rosacei, anethi, ex lilio albo, & de amygdalis dulcibus, anà unc. i. succi apij, unc. i. S. mucilaginis althææ & seminis lini. anà unc. viij. seui hircini, unc. S. Eulliant omnia simul usq; ad mucilaginum consumptionem. Postea pinguitudo excoletur, iniectaq; modica cereæ albæ portione, in unguentum cogatur: quod ubi refrigeratum fuerit, abluendum est aceto rosaceo.

Quia uerò nunquam sponte decumbit sanguis in partem aliquam, nisi dum impendio tenuior & biliosior est redditus, maximè expediens fuerit, aliquo cholagogo bilem ipsam, quæ illum excitat, ac

ueluti manu ducit, purgare.

Cæterum quia uerendum est, ne si bilis, prius
q̄ refrigeretur, retundaturq; acrimonia ipsius, tras-
hatur ad intestina, in eis aliquam excitet dysente-
riam, non ab re fuerit, ægro per dies tris mane
hanc propinare potiunculam. R. Syr. uiolacei, &
de endiuia, ana unc. i. aquæ hordei, unc. iiij. confundi
to & propinato.

*curatio ex
bile genit
morbi*

Quarta porro die offeremus illi huiuscemodi
pharmacum. R. Pulpæ cassiæ fistulaceæ, drach.
vi. radicis barbaræ, infusæ in aqua end. expressæq;
scrup. iiij. Syr. ex nona infusione rosarum Alexan-
drinarum, unc. ij. S. Dissoluantur omnia decocto
hordei, propinenturq;. Augenda tamē, minuendaq;
quantitas medicaminum est, iuxta ægrotantis na-
turam ac robur: qui quidem si sit Vir Princeps, aut
pecuniosus, cassiæ loco, indere uncias duas mellis
aërei, quam mannam uocitant, poteris: quod hæc
sit longè gratior palato.

Eadem medendi ratio, quod petinet ad purgatio-
nem, atque remedia topica, desyderatur etiam in
eo articulari morbo, quem bilis peperit: paulo ta-
men refrigerantior & humectantior. Proinde in
illo extrinsecus utemur succis lactucæ, solani,
hyoscyami, nymphææ, plantaginis, atque alijs id
genus: quibus indere commodè possis cerussam,
spodium, rosas, bolum Armenum, caphuram, atque
eiusdem farinæ complura alia.

Quod si dolor his non cedat præsijs, adijcienda

DE ARTICVLARI

leuis quædam portiuncula opij prædictis est, ad extinguendum quidem feruorem bilis, facultatem autem sensitricem retundendam, ac ueluti soporandam.

Quia uerò haud ita crebrò solet à sola bile morbus hic excitari, rationi uidetur consonum, ut ad reliqua persequenda nos conuertamus.

*cumtis humoris
melancholicis*

Si aliquis melancholicus humor dolorem articulare induxerit, sanguisq; ater exundarit per uniuersum corpus, euacuandus is est, primò quidem, secta in sinistro cubito interiori uena, nisi fortè dolor manum sinistram inuaseric: dein uerò, hirsutibus sedi admotis.

Detracto melancholico sanguine, per dies quatuor, huiusmodi propinabis ægro Syropum.

R. Syr. uiolacei & ex fumo terræ, anà unc. i. aquæ lupuli, unc. iiij. misceantur, ac diluculo propinentur.

Quarta uerò die sub noctem, tribus horis post cœnam deglutiet catapotia subdita. R. massæ pilæ ex fumo terræ, aggregatiuarum, & de hermodactylis maioribus, anà scrup. i. agarici trochiscati, grana. vi. fingantur spherulæ quinque, instillatis guttis aquæ capnoidis. Vel si æger illas deuorare non possit, quinta die summo mane bibat huiusmodi pharmacum. R. Diacatholicon, unc. S. diacharthami, confectiois Hamech anà drach. ij. agarici troch. infusi in aqua lupuli, & expressi, drach. i. dissoluantur in decoctione communi, cui addideris cyperum & polipodium quernum.

Remedia topica debent esse facultate discutiendi
simul

simul & emolliendi prædita. Tumores siquidem melancholici, si qui alij, uel maximè in scirrhus degenerant, ubi medicus imperitus, cupiens illos discutere, utitur medicamentis admodum digerentibus, & quibus nulla emolliendi uis insit.

Primo itaq; tractabimus illos, hoc smegmate administrato. R. Olei chamæmelini, anethini, & illius quod amygdalæ dulces fuderunt, anà unc. i. butyri recentis, unc. i. S. lomēti fabacei, unc. S. misceantur, applicenturq;.

Vbi hoc usus remedio dies aliquot fueris, tumori iam tractabili reddito admouebis emplastrum quod subditur. R. Emplastri de meliloto, unc. ij. diachylō Razes, unc. i. Ammoniacci dissoluti in aceto drach. i. confundantur & applicentur.

Tumores fluctuosos, doloresq; à flatu excitatos, discuties, uel hoc solo emplastro adhibito. R. Seui hircini unc. ij. medullæ uitulinæ, unc. i. olei chamæmelini, unc. S. pul. florum chamæmeli, meliloti pullegij, anà drach. i. cymini, sem. rutæ, anà drach. S. Semina & flores redacta in tenuissimum pollinē, incretaq; liquefactis illis misceantur.

Si articulos infestet pituita (nunq̄ autem solent hæc pura, synceraq; ad illos confluere, sed perpetuo aliqua illi portio bilis, aut sanguinis permiscetur, à qua ueluti concitatur, crassa & inepta ad motum quum sit) concoquendus is humor est, ægro per dies aliquot tali syropo exhibito. R. Rhodomelitos, syr. de stæcade simplicis, anà unc. i.

curatio fistule
molestante

DE ARTICVLARI

aquæ maioranæ, unc. iij. misceantur.

Pituita concocta educatur hoc medicamento epoto. R. passularum mund. hyssopi, maioranæ, glycyrrhizæ, polypodij querni, anà unc. S. stæcados, p. i. coquantur ut decet, atq. in decocto excolato, distemperentur diacatholicon unc. S. diachantha mi, drach. ij. agarici infusi in aqua maioranæ, & expressi, scrup. iij. Syr. ex nona infusione rosarum Alexandrinarum, unc. i. S. fiat potio, propineturq. .

Vel si magis arrideant ægro, poteris offerre illi castapota sequentia. R. Massæ aggregatiuarum, arthriticarum, & de hermodactylis mai. anà, scrup. i. agarici troch. scrup. S. fingantur quinque, instillatis guttis aquæ sampsychi. Quæ quidem uacuationes non semel, aut iterum, celebrandæ sunt, sed repetendæ toties, quoties ex usu fore uideantur.

Quod pertinet ad remedia topica, nihil est quod æquè leniat articulares dolores à pituita pura, uel miscellanea, ortos, ac facit hoc sinagma quod subditur. R. Succorum rad. chamæætes, unc. ij. suc. apij & rutæ, anà, unc. i. olei rosacei, chamæmelini, & irini, anà, unc. iij. terebinthinæ pellucidæ, unc. i. Vermium terrestrium extinctorum in uino Cretico, & dissectorum, unc. ij. S. Bulliant omnia simul usque ad consumptionem succorum. Dein ex colatis oleis, ceræ quantum sit satis adycito, ut in unguentum mediocriter corpulentum cogantur: quod abluatur tandem guttis uini albi odorati.

Hoc etiam cataplasma quod sequitur, præsentaneum remedium est, ad arcendos articulares dolores à frigidissimo humore excitatos. R. Euphorbiæ, pyrethri, castorei, piperis, caryophyllorum, salis communis, ana, unc. S. omnia excipiantur feruenti sapa, excepta q; admoueantur.

Si ne sic quidem sedetur dolor inexorabilis, erigendum tentorium est, ea uastitate altitudineq; stantem quæ possit hominem capere: intra quod quidem tripus constitui debet, ut supra ipsum æger exutus sedeat.

Iam uerò sub tripode peluis est collocanda, eaq; plena decocto plurium atq; optimarum herbarum, cuiusmodi existunt salvia, ros marinus, hyssopus, sampsychus, spica Celtica, stæcas, pullegium, origanum, calamintha, chamæactæ, chamæmelum, melilotus, atque aliæ id genus: quæ omnes lixiuio & optimo uino incoquendæ sunt.

Inijciendi autem sigillatim sunt intra peluim candentes filices, ut decoctum frigesieri non sinant, sed ipsum concalfaciant, ex eoq; copiosum uaporem edant: quem nimirum æger toto corpore excipiet, ac præcipue læsis particulis, donec ingenti sudore oborto, elanguescere totus uideatur. Satius autem est ægrum sæpius ac repetitis uicibus ad ipsum tentorium ducere, quam semel illud exhaustum reddere. Meminerisque aluo soluta, & ieiuno stomacho cum introducendum esse.

DE ARTICVLARI

Quòd si æger impatienter ferat angustiam illā, per aliquam ipsius tentorij rimulam permittimus ut os atq; nares edat: quo frigidi aëris uicissitudine cor æstuans qualecunq; refrigerium excipiat.

Inter sudandum porrò membra læsa perfricanda proprio madore sunt: ac postea, ubi sudor abster sus fuerit, uidelicet ægro iam egresso tentorium, deungenda smegmate illo, quod ex succo chamæactes constat.

His peractis, ueluti auctario quodam, ad corroborandos articulos, discutiendosq; , si qui subsint illis, humores frigidos, huiuscemodi uti soleo suffigmine. R. Thuris, mastiches, sandaraches, anā unc. i. ladani puri, ben Iudaici, anā. unc. S. cinamomi electi, caryophyllorum, nucis unguentariæ, maceris, agalochi, anā drach. ij. hyssopi, maioranæ, saluæ, rad. ireos, anā drach. iij. moschi purissimi, grana. vi. muscilaginis gummi tragacanthæ, soluti in uino Cretico, drach. v. Formentur trochisci plurimi, quorum singuli pendant tris drachmas: conijcianturq; sigillatim unus post alterum in prunas testæ impositas, donec æger totus sudore madens exolui incipiat.

Qui sanè sub illo eodem tentorio (ut antea expositum est) illam exhalationem uniuerso corpore excipiens, curiosè fricabit membra, ore tantum & naribus per exiguum tentorij foramen editis, ne scilicet ipse suffitus gignat capitis grauitatem.

Atq; hæc quidem medendi ratio, doloribus à Gallica lue excitatis similiter auxiliatur.

Dolore inclementissimo urgente, cogimur interdum uti narcoticis, inducentibusq; torporem medicamentis : quorum tamen usus haud quidem tollit dolorem, sed sensum particulæ extinguit, nervosq;, per quos fit sensus, stupefacit. Ac proinde ipsorum usus maiori ex parte solet perniciosus existere.

Quare si absq; illis dolor sedari possit, neutiquam administranda sunt. Si uerò adeo is in crude scat, ut uireis prorsus deiciat, satius est anceps experiri remedium, quam ægrum ipsum, in sæuissimis cruciatibus, ac uitæ discrimine constitutum, deferere: quū possimus noxam à meconio illatam, postea præsidio calfacientium corrigere.

Ergo si quando in eam adigamur necessitatem, utemur commodè hoc linimento quod subditur.

R. Olei costini, unc. i. Euphorbij, castorei, singulorum unc. S. opij drach. iiij. croci drach. i. misceantur instillatis guttis uini Cretici, applicenturq;.

Absurdum autem omnino est, quod pleriq; medici faciunt, uti humano stercore, aut lotio, ad pelendos articulares dolores: quum præsertim suppetant nobis tot tamq; admiranda medicamenta, quæ in communem usum hominum diues Natura rerum suppeditauit.

Sæpenumero etiam ad extirpandos articulorum dolores à causa frigida inductos, consueuimus uti decocto ligni Indici, quod in hunc modum administratur. R. ligni Indici electi, & rasi, lib. i. aristolochiæ rot. unc. i. cyperi, costi, baccharum lauri, sing.

DE ARTICVLARI

unc. S. glycyrrhizæ rasæ. unc. i. S. Coquantur omnia in lib. xij. aquæ fontanæ, ac totidem uini albi odorati, usque ad lib. viij. Dein excolatus liquor, infususq; uitreæ pyxidi, reponatur in subterraneo loco. Ex quo quidem admodum calfacto propinandæ sunt ægro singulis diebus mane unciz. viij. ac totidem uesperis: curandumq; ut contactus sudet. Tempus autem huic negotio aptum, est Vernum, uel autumnale.

At uerò ubi excolatum primum illud decoctum fuerit, infundendum rursus tantundem ac prius fuit, tum uini, tum aquæ, in eadem iam præcocta ramenta est: permittendumq; ut bulliant, donec tertia pars absumatur: qua exhausta, percolandum ipsum decoctum est, reponendumque ut prius, in usum quotidianæ positionis.

Quum autem nemo nesciat, tenui uictus ratione, exiccantiq; esse utendum per totos triginta dies, quibus hoc decoctum administrabitur, non est q; ea in re tempus conteram. Hoc tamen meminisse conuenit, ter euacuandos esse medicamentis purganti, quibus ex usu futura est talis medendi ratio: semel quidem in ipsis auspicijs primis: secundo post exactam quintam decimam diem: ac tertio denique, triginta diebus peractis.

Administratur etiam, neq; infeliciter, in articulari morbo, decoctum illius plantæ Indicæ, quam

Hiffani Zarzam parrillam uocant: cuius sanè dispensatio est talis. Accipiunt enim clauiculorum illius libram unam, quam per diem ac noctem infundunt in libras uigenas aquæ, donec ipsa planta intumescat. Postea minutatim scissam decoquant illam in ea ipsa aqua, in qua uidelicet præmacerata fuerat, idq; usque ad consumptionem medietatis partis. Dein uerò, decoctum ipsum excolant, ex eoq; modicè calfacto, prima quidem die libras .V. propinant, nimirum distributas in uices .V. interiectisq; duabus uel tribus horis interpositionem unam & alteram: secunda autem, quatuor: tertia tres: quarta duas: quinta denique singularem: quam deinceps singulis diebus mane propinare usque ad uigesimam diem non cessant.

Est autem decoctum hoc gustui prorsus insipidum, nec scio qua facultate tam potenter uomitum cieat, ut uel ex ipsis extremis unguibus per os humores crassos eliciat: quo nomine unicè articulorum doloribus auxiliatur.

Consueuere porrò qui hac medendi ratione utuntur, per biduum integrum interdicere cibo ac potu ægrotantibus: quos tertia die iam reficere tenuiori alimonia incipiunt, adijcentes indies atque paulatim ipsius plenitudini uictus: offerentesq; in quotidianam potionem, aquam quidem, sed in qua leuis illius plantæ portio modico feruore decocta fuerit.

Zarza parrilla
decocta

DE ARTICVLARI

Allata etiam ab extremis Indis Chinna radix haud ita pridem est, præcio potius, quàm effectu aliquo salutari, insignis. Cuius decoctum olim celebrabatur mirè, contra dolores articulares. Cæterum postea quàm experti sunt cuncti, ex usu illius non tam profligari morbos, quàm opes institutorum augeri, nomen eius cepit apud omnes uilescere.

Solent autem in articulis interdum pori concrelescere, ubi humor crassus & uiscidus, impactus illis, fuit admodum torrefactus, idque à medicamentis nulla emolliendi uis præditis, sed extremè calfacientibus, ac resiccantibus. Qui quidem ut discutiantur, in primis assidue fouendi sunt hydrelæo modicè calido, utrum ipsius madore medicamenti, tum sanguinis commercio, qui attrahetur ad affectam particulam, & emolliatur eorum durities, & longe tractabiliores reddantur. Dein uerò illis est hoc admouendum emplastrum. R. Casei admodum inueterati & putris, unc. i. terebinthinæ claræ, drach. ij. cinnabareos drach. i. subigantur omnia decocto perne porcine præ uetustate rancidæ, applicenturque. Paucis si quidem diebus suppuratus porus, & ruptus, reddet quicquid inest illi crassi & uiscidi humoris. Quo expresso, abstergendum ulcus relictum est, ad cicatricemque ducendum, medicamentis ad id opportunis.

Quod pertinet ad uniuersam uictus rationem articulari morbo afflictis congruentem, si quidem à flaua bile syncera is affectus oriatur (quod nunquam, aut perraro, contingit) tota esse debet humectans,

atq; refrigerans : si à purissimo & copiosissimo sanguine, refrigerans atq; siccans : si ab atra bile, humectans simul & calfaciens : ut si à crassa & lenta pituita, calfaciens prorsus & siccans : qualis etiam uidetur conuenire illis, quibus inclusus flatus ipsam conciliauit arthritidem.

In uniuersum autem, uesci omneis ijs cibis debent, qui et facile concoquantur, et in corpore probos humores gignant : ut omnino sese abstinere ab illis, quæ succos crassos, ac lentos, procreant : cuiusmodi existunt lactaria, pisculenta, panificia, et pistoria oia.

Cibi ergo expedientes eis, sunt gallinacei pulli, capones, turtures, coturnices, phasiani, columbæ iuniores, turdi, ficedulæ, merulæ, alijq; id genus, qui in syluis degunt, passeruli. Nam ab aquatilibus eos prorsus abstinere hortor.

Ex quadrupedum carnibus intrepidè possunt uti arietinis, hœdinisq; : bubulis atq; suillis omnino ualere iussis : cum quibus relegarem & uitulinas, quæ uiscida humiditate redundant, nisi qualitatum ratione, quodammodo uiderentur ex usu esse arthritidi à flaua bile excitatæ. Iam uerò cuniculi teneri, hini nuliq; , maximè commendantur.

Ex piscibus, ne hæc institutio nostra nimis seuerâ, & superciliosa uideatur, solea, turtur, perca, gobio, asellus, & mullus, ut alij pisces, præsertim si assi edantur, non sunt usq; adeò damnandi. Quocirca modicus eorum usus nocumentum mentione dignum non adferet. Oua recentia & tremula, pro

DE ARTICVLARI.

bè alunt, ac facile concoquantur: necnon Damascena pruna, & lac ex amygdalis pressum.

Tanis porro sit purus, bene coctus, ac optimè fermentatus. Vitanda uerò ea penitus, quæ azyma nominantur, ex quorum genere sunt placentalæ, quas ex lacte & farina uulgus pistorum conficit.

Omnes horarij fructus, quia facile computrescunt, circuncidendi sunt: ut mora, cerasa, melopepones, mala Persica, & fraga, quæ hodie & ex lactis spuma eduntur, et Principibus in delicijs sunt, cibus certè ad conciliandam podagram aliorum omnium efficacissimus. Nam tametsi nonnulli ex fructibus suarum qualitatum ratione, quæ uidelicet frigidi & humidi existant, uideantur congruere articulari morbo à bile excitato detentis, haud dubiè propter substantias corruptioni paratas, relegari ab omnibus debent: ut etiam olera cruda, leguminaq;: quorum illa quidem, ægerrimè concoquantur: hæc autem, in succos flatulentos degenerant.

aque potio
Potus, quo utentur, sit uel oliogophorum uinum, in medio albi atque nigri consistens, quale Galli hodie claretum nominant: uel aqua, in qua modicum mastiches & cinnamomi modicè feruescatum fuerit. Vinum quippe fluxiones proritat: aqua autem sic præparata, earum impetum sistit, simulq; uenterculum roborat. Vnde complures non ui iam ingrauescentes ætate, qui quum antea mor-

bo articulari assidue torqueri essent soliti, postea comutato uini usu in huiusmodi aquæ potionem, nunquam amplius in eum inciderunt. Nec uerò obest, quod obycere calumniator aliquis posset, ipsius cinnamomi calor: quandoquidem caliditas eius, in uentriculo, aut iuxta primas uenas, extinguitur.

Circa exercitia uerò, nemo est qui nesciat, affectis quidem cruribus, brachia exercenda esse: crura autem, si male brachia afficiantur: id quod hodie cuncti podagri obseruant: qui quidem uel ipsa natura edocti, perpetuò sedent: atque alij chartis, alij tesseris, alij deniq; ludo latrunculorum, sedulam operam nauant.

Venus immoderata, intempestiuaq; hoc est statim à cibo inita, in articulari morbo piacularis ac longè perniciosissima est. Quæ quidem si erecto inectur corpore, crura ipsa magnopere labefactat. Qua sanè occasione morbifica eunuchi priuati quàm sint, haud corripuntur podagra, nisi fortè ob magnam intemperantiam: sicuti neque pueri ante uenerorum usum, nisi eam hæreditario iure contraxerint. Verùm si modicè, opportunèq; in Venere sese quispiam exerceat, conducit admodum, nimirum turgentes succos discutiens, corpusq; agile rediens.

Somnus autum post cibum captus, articulationem solet morbum accersere, crudos humores gignens: nec secus exercitia uehementia.

DE ARTICVLARI

Insignes, repentinæq; perturbationes, quum non modò commoueant animos, sed etiam immutent corpora, sæpenumero dolores articulares excitant: id quod equidem in nonnullis podagræ obnoxys experimento didici: qui quum ira perciti, in famulos, aut in alios quosuis excandescerent, subito ac præter expectationem consueto morbo corripiebantur: uidelicet cōmotis ab ipsa perturbatione humoribus, exceptisq; ab artubus infirmioribus. Quare tollendæ omnes occasiones eæ sunt, quæ ad irā prouocant.

Vt uerò & de habitatione ipsa nonnihil etiam dicamus, domus quam incolent, sit sublimis, tabulataq; atq; ad Solis ortum conuersa. Quæ quidem sic arte contra omnes tempestates ac temporum excessus munienda est, ut semper temperamenti mediocritatem tueatur.

Qui certa uicissitudine temporum corripì articuli morbo sunt soliti, ante ipsius accessionis insulsum debent bis in anno purgari: ac si opus esse uideatur, uacuari ex uena: nempe Vere, atq; Autumno, aduentantibus. Malè siquidem tecta instaurantur, dum tota domus compluitur.

Interpolatis autem diebus, quatuor horis post cœnam, deglutiant unum uel alterum catapotium ex his quæ subdam, ad roborandos articulos, deijciendam leniter aluum, prohibendumq; ne uitiosi succi accumulentur in corpore (quorum maxima est habenda sollicitudo) admodum efficacia. R. Aloes lotæ drach. iij. agarici troch. drach. ii. centaureæ,

drach .S. cort. myrob. citr. hermodactylorum, ana
unc. S. mastiches, scirup. ij. conficiantur cum cydonio
rum succo.

Si procliues ad uomitum sint, prouocetur is se
mel in mense, pinna intincta oleo per os inserta:
uel oxymelite quod scilliticum uocant, uel decocto
radicularum, administrato. Nam quum uomitus ma
ximè ab extremis reuellat partibus, præsenteum
remedium est contra morbi articularis, tam futuri,
quàm iam affligentis, tyrannidem.

Iam uerò, inter omnia prophylactica auxilia,
mustum recens, ad roborandos articulos unice com
mendatur. Cuius rei haud ignarus Guardianus
quidam ordinis Diui Francisci apud Aureliam, què
discrucietur arthritide, in dolium plenum efferue
scentis musti semper ineunte Autumno totus nudus
unctusq; se coniciebat, sentiens inde magnam uti
litatem: ac postea pessimus sycophanta, uinum illud
in quo ipse nauerat, & fortè etiam minxerat, misel
lis fraterculis suis propinabat. Ad prophylacticem
etiam pertinet, exhibere hyemali tempore senibus
terebinthinam Venetam, lotam, et saccharo in sphæ
rulas glomeratam: idq; singulis diebus, ac sex ante
prandium horis.

Interdum etiam & antidotum Mitridatium, &
antiquam Theriacem, ex aqua hypericonis ipse pro
pinare sum solitus: quæ tamen ante absolutas
euacuationes exhibenda non sunt. Atq; hætenus
de articulari morbo.

DE ARTICVLARI

Quia uerò & sub illo ischiadicus morbus comprehenditur, articuli iuxta coxondicem dirus affectus quum sit, præter generalem curationem ipsius, quæ fusiore commentationem postulat, hoc tantum admonebo lectorem impræsentiarum, me nonnullos eorum qui tali morbo complures menses & annos afflicti & consumpti fuerant, in pristinam ualeitudinem quàm citissimè restituisse, post uaria omnigena q; remedia frustra & incassum administrata, illis tandem transuersim usque ad radicem usta candenti ferro ea chartilagine, quæ in duas cavitates disspescit internam regionem auris affecto loco ex aduerso sitæ: uel utriusque, ubi coxendix uterque detineretur ischiade. Quod præsidij genus fateor me neque apud aliquem auctorem legisse: nec potuisse unquam penetrare ad ueram causam illius: nisi fortè dixerimus, ob dolorem illum acerrimum, repentinumq; , ustæ particulæ illatum, confertim confluere illuc unâ cum naturali calore, ferendi suppetias gratia, uniuersos humores corporis, etiam eos, qui in articulis uehementer impacti hærent: ut solet fieri in naufragijs, aut in maximis triremium incendijs: ubi non modò milites atque nautæ, sed ipsi etiam remiges uincti, uiolenter ruptis ac disiectis cathenis, communi periculo accurrunt. Cuius sanè argumentum uidetur esse, ingens illa prodigiosaq; humorum, quæ per ulcus inustum fit, euacuatio. Quæ quidem uniuersalis quum sit, non

solum ischiade correptos, sed afflictos etiam com-
pluribus alijs affectibus liberat. Quæ ratio si
eruditis non satisfaciat, ipsi comminiscantur sa-
niores, eamq, studiosis communicent, in quorum
gratiam hæc qualiacunque conscripsimus.

F I N I S.

TRAGOPODAGRA LVCIANI.

Andrea Lacuna Segobien.

Interprete.

PERSONAE.

Podager, Chorus, Podagra, Nuncius,
Medici. Cruciatuſ.

Præfatur Podager.



Nomen tetrum, Dijsq; ipsis
inuisum Podagra. O innume-
ris plena suspirijs Cocyti pro-
les, quam in obscurissimis in-
ferorum hiatibus suo ex utero
exclusit Erynnis Megæra,
uberibusq; lætauit Aleæto,
lac in osculum infantis amarulenti instillans, quis
Dæmonum tandem te execrandissimam emisit in lu-
cem, tantam ut hominibus inferres cladem, atque
calamitatem? Nam si ij qui iam exceſſerunt uita,
ob flagitia quæ patrarunt dum uiuerent, supplicio
aliquo apud inferos affici debent, quorsum Tanta-
lus in Stygia illa palude torquetur siti, aut Ixion
uoluitur rota, aut Sisyphus denique relabente sem-
per saxo cruciatur? Satiſ enim fuisset, si qui
pessimè se hac in luce geſſerunt, tuis exerceantur
doloribus articularibus: ut miserum hoc meum, tas

C

TRAGOPODAGRA

bidumq; corpusculum, quod ab extremis manibus,
usq; ad bases pedum, purida quadam sanie, bileq;
amarulenta, distringitur, uiolento quodam spiritu
per poros huc & illuc oberrante. Qui quidem dum
occluditur, miserabiliter intendit dolores. Iam uerò
uiscera ipsa flagrant ardentissimo incendio, quod
repetitis flammaram insultibus, ita meam depascit
carnem, ut dicas ipsam similia pati cum illo Aetnae
barathro, ex quo semper ignis expirat: aut certè cum
mariuaga Siciliae uoragine, ubi maxima tempesta-
te ingruente, tumescens mare per scopulorum cauer-
nas procellosa circumuolutione iactatur. O dolor
inexorabilis, cuius finem humana coniectura uix
unquam assequi poterit, quàm incassum omnes te
demulcemus, friuola uanaq; tantum spe deliniti.

CHORVS. Iuxta Dindymum Cybeles, ulula-
bili sublato clamore, Atti tenero suam Phryges per-
ficiunt solennitatem. Lydi qui circa Tmolii cacu-
men habitant, dum Cōmo suas preces fundunt, in-
star cornicinis Phrygi, eximie uociferantur. Stupidi
Corybantes Cretensium rhythmo, medio in ar-
morum strepitu, Euantis orgia resonant. Grauisor-
nans tuba rumpitur, strenuò Marti strepitus belli
modulans. Nos autem tui Sacerdotes, ò Podagra,
miserandam tibi fundimus lamentationem, iam iam
ineunte Vere, gramnifera dum prata suis herbis
uïrent, arboresq; Zephyro suaui ter perspirante,
suis frondibus decorantur: quo tempore illa infel-
liciter nupta Chelidon, incipit per domos garrere,

per syluasq; Philomela nocturna funestis lachry-
mis deflere suū Itym non desinit. **PODAGER.**
O mearum refrigerium calamitatum bacule: o ter-
tij pedis officium subiens, tremulos istos gressus me-
os corrobora, adeoq; ad dirigendum iter accingitor,
ut possim tutò figere pedem. Age infelix, extrabe-
iam ista membra à cubili. Vmbratile tugurium
istud relinque, disiiciensq; à conspectu nostro hanc
aëris caliginem, & densitudinem, erumpe foras,
frueréq; Solis lumine & splendore, ac recreare cla-
ra spiritus uicissitudine. Quintadecima siquidem
iam agitur dies, postea quàm uniuersa luce priuas-
tus in tenebris delitesco, in lectoq; omnino incom-
posito, miserum hoc corpus contero. Enimvero ad
incedendum egrediendumq; animus est promptissis-
mus, cæterum membra languida & pigra minimè
acquiescunt uoluntatis imperio. Vtcunq; tamen sit,
acriter impellito, ò anime, si illud est iam tibi in con-
fesso, podagricum simul atque mendicum, uolentem
quidem ingredi, sed non ualentem, esse inter mors-
tuos annumerandum. Sed hem? Qui nam sunt illi,
qui aetæe folijs capita redimiti, baculis innituntur?
In cuius insuper Dei honorem choro adeò lasciuien-
ti tripudiant? Nunquid ò Phœbe Apollo, in tui ue-
nerationem fiunt illa? At non gerunt corollas ex
Delphica lauro confectas. An uerò celebratur ali-
quis Bacchanalis hymnus? Atqui ne minimum qui-
dem hederæ signum in ipsis corollis cernitur. Qui
tandem uos existentes conuenistis hic, Viri? los

TRAGOPODAGRA

quimini, mihiq; uera narrate. Dicatis præterea
 o amici, quæ nam ea Dea sit, quam usqueadæo hym-
 nis effertis? **CHORVS.** Tu uerò quis, aut ex
 quibus existens, nos percontaris? Nam, quod ex ba-
 culo incessuq; licet colligere, huius inexpugnabilis
 Deæ similiter esse mysta uideris. **PODAGER.**
 Sum equidem haud indignus, qui inter huius Deæ
 familiares annumerer. **CHORVS.** Cypriam
 Venerem à summo æthere instar stillicidij delapsã,
 elegantiq; forma compactam, inter maris fluctus
 dicitur educasse Nereus. Iunonem autem, elegan-
 tissimam quidem illam excelsi Iouis uxorem, ponè
 littus Oceani enutriuit Tethys. In sui immortalis
 capitis cerebro cœlitum omnium præstantissimus
 Iupiter Mineruam puellam illam animo intrepido
 genuit, atq; uigilantissimam. Hanc autem nostram
 felicissimam Deam, ille senex Ophion, primam om-
 nium teneris suis protulit ulnis. Dum enim adul-
 terina illa lux prorsus euanuit, splendicansq; illu-
 xit aurora, tunc podagræ uisum est inualescere im-
 perium. Siquidem ubi primum te peperit Megæra,
 o Padagra, confestim Clotho te excipiens lauit: quo
 quidem tempore uniuersum cælorum lumen arri-
 sit, tranquillumq; æther uehementer intonuit.
 Dein uerò uberibus candidissimis opulentissimus
 Pluto non sine maximo studio te curauit alendam.
PODAGER. Quibus igitur ceremonijs hæc
 Dea uult coli à suis sacerdotibus? **CHORVS.**
 Non enim ex acie ferri effundimus cruorem exu-

berantem : non cæsarie circumuoluta gerimus re-
 uinctam ceruicem : neque astragalis perstreptentibus
 terga percutimur : sicuti neque taurinas carnes
 edimus crudas . Cæterum ubi ulmus ineunte Vere
 suos teneros producit flores, cossyphusq; obstrepera
 ramis insidens incipit iam garrire , per nostra tunc
 misera membra penetrat longè acutissimum telum :
 telum inquam, obscurum, incognitum, latens, in ip-
 sisq; imis delitescens particularum sinibus . Quod
 quidem pedes, genua, cotylas, malleolos, coxendicem,
 fœmora, manus, scapulas, lacertos, ulnas, carpos, de-
 pascit, edit, urit, uincit, deijcit, inflammat, ac labefa-
 cit, donec ipsius clementia Deæ iubeat malum &
 dolorem facessere . **PODAGER.** Latui ergo
 ipse tam diu, in huiusmodi sacrificijs uestris uel
 maximè exercitatus ? Faxint superi, ut posthac se
 mihi Dea mitè exhibeat . Volo siquidè una uobiscū,
 ò Mystæ, podagricos ordiri hymnos & cantilenas .
CHORVS. Sile tu æther, & reprime flatus .
 Podagrici autem omneis, laudibus ipsam Deam ex-
 tollant . Ecce iam accedit ad aras illa quæ inter om-
 nes Dæmonas maximè stratis gaudet, baculo basim
 sustinens . Salue Dearū omnium mitissima, sacrifi-
 cisq; tuis uultu hilari adesto, ut Verna hac tēpesta-
 te acerbissimi dolores soluantur . **PODAGRA.**
 Ecquis mortalium ignorat, me inexpugnabilem es-
 se dolorum dominam, quæ neque thuris suffitu pla-
 catur, neque iuxta uictimas & holocausta sanguis-
 ne effuso, sicuti neque donarijs pretij exquisiti in

TRAGOPODAGRA

templo suspensis meo? Quippe neque Apollo Deorum omnium qui in cælo sunt, medicus expertissimus, nec sapientissimus eius filius Asclepius, suis pharmacis me unquam uincere est potens. At ubi primum pullulauit hominum genus, omnes simul potentiam meam & maiestatem prosternere ac deturbare conantur, uarias semper comminiscentes medicamentorum misturas. Alius namq; aliam aduersus me adstruit technam. Contundunt siquidem mihi plantaginem, apium, folia lactucae, necnon portulacam syluestrem. Alij autem marrubium, alij potamogetonem, alij urticam, alij consolidam conterunt. Sunt qui palustrem lenticulam congerant. Sunt qui pastinacam decoctam. Hi rursus commendant persici folia, hyoscyamum, papauer, bulbum, corticem mali Tunico, psyllium, thus, ueratri radicem, nitrum, fœnum Græcum ex uino, gyrimem, collamphacum, nuces cupressi, hordeaceam farinam, excoctæ brassicæ folia, gypsum ex garo, syluestris capræ excrementa, stercus humanum, loamentum fabaceum, ac denique asij lapidis florem. Coquunt præterea rubetas, araneos mures, laceratas, mustelas, ranas, hyænas, tragelaphos, atq; etiam uulpes. Quod insuper metalli genus non reuocarunt mortales ad experimenti periculum? Quem non succum? Quam non arboris lachrymam? Porro ex animalibus uniuersis, ossa, neruos, cutim, adipem, sanguinem, medullam, urinam, stercus, atque ipsum lac, sumunt ad conficienda me

dicamenta. Hi igitur hauriunt pharmacum diaz-
 tessaron, hoc est, ex quatuor medicamentis con-
 flatum: illi quod ex octo componitur. Plurimi
 quod ex septem tantum compingitur. Alius epoz-
 ta hiera purgatur. Alius carminibus impostorum
 illuditur. Stolidum iudeus alium excantat. Hic
 à balneo petit præsidium. Quibus equidem omni-
 bus luctum & suspiria polliceor. Eos siquidem
 qui talia moliuntur, quique me laceffere & irritare
 non desinunt, multo atrocius agitare consueui.
 Contra uero, ijs qui mihi neutiquam reluētan-
 tur, benigniorem tractabilioremque me exhibeo.
 Porro quibus mysteria nostra sacra communica-
 mus, confestim eleganter loqui docentur. Quo
 fit, ut maximo sint suis necessarijs oblectamen-
 to, dum lepida quædam diæteria, facetosque ser-
 mones effutiunt. Taceo mouere eos maximum ap-
 plausum & risum, dum nudi exportantur ad
 balneas. Ate igitur illa Dea, cuius Homerus me-
 minit, ipsa ego sum. Quæ quidem per hominum
 carnem serpens, in basi pedum molliuscula delites-
 co. Vnde apud mortalium plurimos nomen est mi-
 hi Podagræ, nimirum quum existam pedum cap-
 tura. Sed quid cessatis uos interim, ministri meo-
 rum sacrificiorum? quin potius uestris hymnis ef-
 fertis inuictam atque insuperabilem Deam?

CHORVS. O uirgo animum possidens ada-
 mantinum, fortissima, potentissimaque omnium Dea-
 rum, clamori & precibus tuorum sacrificorum

TRAGOPODAGRA

tuas quæsumus aures accomoda. Magna etenim
 est tua uis, ò Regina, quam uel ipsa Iouis horrent
 rapidissima fulmina, tremunt profundissimi maris
 fluctus, pertimescitq; Pluto, inferorum maximus il
 le Imperator. Accomoda inquam nostris uotis tuas
 aures, ò gaudens uinculis, lætigrada, cursimorans,
 talinocua, calcitorrens, humifuga, cochlearitimida,
 noctugenufraga, articulotortrix, genucuruiflexa
 Podagra. **NUNCIVS.** Opportunè quidem
 uenisti obuiam, ò Domina. Audi sermonem haud
 quaquam friuolum, sed cui res ipsa comes adiungitur.
 Equidem, ò Regina, urbes ipsas (ut imperasti)
 tranquillo gressu perlustrans, singulas perscruta=
 bar domos, nimis anxie scire desyderans, esset ne
 aliquis, maiestatem qui tuam istam non suspiceret,
 atque ueneraretur. Aliorum igitur omnium, quos
 uiolentia manuum tuarum in tuam seruitutem iam
 superatos redegit, noui animos deditissimos tibi, ab
 omniq; tumultu ac seditione remotos. Hi autem so=
 li duo uiri, certè admodum temerarij, prædicabant
 populis, imò uerò etiam iurabant, tuam celsitudi=
 nem neutiquam uenerandam esse, sed exterminan=
 dam potius è uita mortalium. Quamobrem, uinculo
 adamussim coarctans pedes, diebusq; quinis integra
 duo stadia conficiens, ad te festinanter accedo.
PODAGRA. O quam celeriter aduolasti, in=
 ter omneis agilissime nuncios. Dic mihi tamen ex
 cuius regionis finibus huc te conferas: clarèq; ex=
 plica, ut celeritatem cursus intelligam.

NVNCIVS. In primis enim præterij septem
 graduum scalam, trementem quidem illam, ob disso-
 lutam lignorum compagem. Qua quidem absolus-
 ta, in asperrimam aream incidi, asperitate sua ma-
 gnopere renitentem incessui. Eam igitur iam plan-
 tis exasperatis similiter quum transsegissem, exce-
 pit me denuo salebrofa silicataq; uia, difficilis pera-
 gratu, ob scrupulos quibus erat oppleta. Post quam
 quidem in aliam lubricam incidens, ulterius perge-
 bam: cœnum tamen solutum, contendenti mihi pe-
 dem fragilem retrahabat. Qua sanè transeunti,
 præ lassitudineq; anhelanti, mihi per membra uni-
 uersa uapidus quidam sudor manabat. Ab ea itaque
 tandem iam absolutus, totoq; exolutus corpore, in
 aliam incidi uiam, latam quidem, sed plurimis re-
 fertam periculis. Varia siquidem hinc indeq; uehi-
 cula, urgebant, cogeant, impellebant ad cursum.
 Ego uerò ex pigris pedibus agiles & leues reddens,
 in obliquum, angustumq; me subducebam iter, do-
 nec uelox transiret quadriga. Tuo etenim sacer-
 doti existenti, non licebat mihi uelociter currere.
PODAGRA. Haud incassum, ò præstantissi-
 me, tam rectè gessisti negotium tibi commissum.
 Nā ob singularem istā tui animi promptitudinem,
 & ipsa parem gratiam rependam. Atque adeo
 iam apud me constituo, ut hoc triennio quod instat,
 omnes tibi dolores minuantur. Vos autem ò Viri
 pessimi, Dysq; hostes capitalissimi, qui tandem ip-
 si existentes, aut ex quo genere nati, cum Podag-

TRAGOPODAGRA

græ maiestate & imperio contendere non erubescitis, cuius uim ne Iupiter quidem ille Saturnius unquam uincere potuit? Quid conticescitis uiri sceleratissimi? Nonne ex heroibus quàm plurimos ipsa subegi, ut monumenta sapientium apertissimè contestantur? Priamus siquidem, ille uir cursu ce-
leber, torquebatur podagra, ac simul eius nomen per uniuersum orbem celebrabatur. Telides etiam Achilles nonne podagra correptus interiit? Bellerophontes item uexatus podagra, præstantissimus habebatur. Iam uerò Oedipus ille Thebanorum præfectus, nonne & ipse podagricus fuit? Similiter erat podager Pelopides ille Plesthenes. Quin etiam filius Tæantis existens podager, nonne fuit dux & præfectus totius expeditionis? Alius præterea uir cursu præstans, Thessalorum erat præfectus. Qui quidem postea quàm Protesilaus bello succubuit, quanquam correptus podagra, nihilominus electus est dux totius expeditionis. Laertiadem etiam Vlysssem, Ithacæ illum Imperatorem, ego ipsa peremi, haudquaquam spina passinacæ marinæ. Hæc itaq; quum sic habeāt, ò infelicissimi, petulantiam uestram haud sanè impunè feretis: quandoquidem flagitijs uestris parem ipsa punitionem adijciam. MEDICI. Re uera nos Syri umus, ò Domina: genere autem Damasceni. Qui quidem magna circumuenti fame & inopia, per mare ac terras oberrantes discurremus. Habemus autem huiusmodi unguentum, quod à patre,

ceu mysterium quoddam, accepimus, quo quidem mitigamus evidentissimè laborantium dolores.

PODAGRA. Quod nam unguentum est istud? aut quæ ipsius est compositio? **MEDICI.**

Mysticum iusiurandum quod fecimus, ultimumq; moribundi patris præceptum, nos cogit, ut id minus aperiamus tibi. Moriens siquidem imperavit pater, ut huius pharmaci uim, quæ efferatam excandescentemq; te solet etiam compescere, prorsus occuleremus.

PODAGRA. Quid ò flagitiosissimi, maleq; perdit nebuloes? datur ne ullius pharmaci tanta uis aut facultas, quæ possit meum in petum & uiolentiam coërcere? Esto tamen ut dicitis. Experiamur iam nunc, utrum nam sit præstantius, pharmacum ne istud uestrum, quod circumfertis: an flammæ, quibus uti consueui.

Heus uos cruciatus tristissimi, iracundiæq; meæ fidelissimi apparitores, huc undique aduolantes accurrite. Propius accedite. Tu igitur acriter plantas pedum inflamma, penetrans usque ad extremos digitos. Tu autem malleolis ipsis te immisce. At tu à fœmoribus orsus, ad subiecta genua saniem amarulentam instilla. Vos denique digitis manuum inserti, eos flectite & reddite incuruos.

CRUCIATVS. Iam fecimus quæ iussisti, ò Regina. Iam iacent miseri acriter uociferantes, nimirum uniuersa membra compuncti.

PODAGRA. Agite ò Viri exteri, uideamus nunc accuratè, an pharmacum istud uestrum

TRAGOPODAGRA.

illitum, aliquem usum adferat, istam ad arcendam calamitatem, quæ uos diuexat. Nam si intellexero id aduersus me aliquid habere momenti, confestim hanc superficiem linquens, ad penetralia terræ, profundissimaq; illa orci barathra, nunquam reditura me conferam. **MEDICI.** Ecce iam unxi mus, & nihilominus igniti perseuerant affectus. Heu, heu, papæ, discrucior miserè, pereo funditus, uniuerfa mihi membra punguntur, transfiguntur, & perforantur, malo quodam inopinabili. Non enim altitonans Iupiter tale possidet telum. Nulla certè maris talis fluctuatio, aut tempestas: neq; procellosi turbinis tantus impetus. Num igitur me nunc uorat asperrimus ille rabidusq; Cerberi morsus? Num uirus aliquod uiperæ me depascit & populatur? Num peplum aliquod Centauri cruore imbutum? Miserere, miserere, ò Regina: quandoquidem neque meum, neque aliud pharmacum ullum potest inhibere tuum cursum. Tu enim sola, suffragys omnium, superas uniuersum mortalium genus. **PODAGRA.** Cessate ò cruciatus, remittiteq; dolores ijs, quos pœnitet contentionis aduersus me initæ. Cæterum hoc uniuersi norint, me solam omnium esse intraetabilem Deam, minimeq; facultatibus medicamentorum parere. **CHORVS.** Impetus Salmonei, haud sustinere potui: Iouis tonitrua. Nam ardente ipsius Dei fulmine comminutus, confestim animam exhalauit. Nec retulit uoluptatem ex contentione ad-

uersus Apollinem satyrus ille Marsyas . Nam
pinus de illius pelle stridulum quiddam resonat .
Luctum perpetua dignum memoria ex lite nata
est illa fecundissima Niobe : quæ quidem etiam
num lugens , suis lachrymis Sipyleum montem
humeſtat . Mæonia Arachne ad certamen preuoca-
uit Mineruam : uerum propriam formam amittens ,
uel nunc cogitur fila texere . Ferocitas siquidem ,
uel temeritas hominum , non est par iracundiæ Dia-
uorum , ut Iouis , Latonæ , Palladis , & Apollinis
Tythy . Tu ergo ô Podagra , quæ acriter in omneis
grassaris adfer nobis dolores blandos , leues , mites ,
obtusos , breues , dulces , nō onerosos , sed qui minimè
deambulationem impediunt . Sunt porro plures for-
mæ infeliciū . Exercitatio autem , & consuetudo
laborum , podagricos conſoletur . Quare æquo per-
ferte animo labores istos , quotquot in hac nauiga-
tis cymba , etiam si iuxta spem ueſtram ipſa res non
euenerit : nam ad ea quæ præter hominum opinio-
nem sunt , Deus certè uiam inuenit . Boni etiam
conſulant quicunq; podagra sunt correpti , uel si fue-
rint & irriſi , & excepti ſcommate . Natura namq;
huius tragædiæ est talis .

F I N I S .

